

INUIT ATAQATIGIIT INATSIARTUNI



UPA2026/35

30 april 2026

Nivi Heilmann Efraimsen

Uunga siunnersuut: Atuarfik pillugu Inatsisartut Inatsisaata allangortinneqarnissaa pillugu Inatsisartut Inatsisaat (Qulequtaa allangortitaq)

Ilinniartitaanermut, Kultureqarnermut Timersornermut Ilageeqarnermullu
Naalakkersuisoq

Oqaaseqaat:

Inuit Ataqatigiit meeqqat atuarfiat pingaarluinnartutut isigaarput. Meeqqat atuarfiat taassaammat siunissami ilikkagaqarsimassutsimut, qaammaasimasaqarnissamullu ilikkarfissaq, minnerunngitsumik, iliniagaqalernissamut aqqutit sulilliit ilaat. Inuiaqatigiini ilikkarsimassat tunngaviusut meeqqat atuarfianni pissarsiarisarpagut, qaammarsagaanerit inuiaqatigiillu aqqissugaaneranni ilikkagassat amerlasuut pissarsiffigalugit.

Taamaammat Meeqqat atuarfianni inatsiseqassaagut ima aalajaatsigisumik ukiuni amerlasuuni allangortittaqaattaagaanngitsoq, siammasissumilli ulluinnarni sulisut ilisimasallit isummorsorfigilluarsimasaannik tunngavilik.

Imalu torrrallataatigisinnaavoq, ungasissoq isigalugu partiinit tamanit ataatsimoorussamik isumaqatigiissutaasimasoq. Qinigaaffiup ataatsip iluani allangortaqqattaartariaqanngitsoq.

Meeqqat atuarfiani allanngineq susassaqtunik akuutitsiffiullunilu isumaliutigilluagaassaaq.

Siunnersuut tusarniutigineqaqqaarnerminiit allaanerulluni maanna saqqummerpoq. Tusarniaanerup aallartinnerani qisuariaatit assigiinngitsut peqqutigalugit maanna allannguutissat ima isikkoqartillugit Naalakkersuisunit saqqummiunneqarput.

INUIT ATAQATIGIIT INATSISARTUNI



Inuit Ataqatigiinniit isumaqarpugut taama allannguneq pissusissamisoortoq, tassami Atuarfik pillugu Inatsisartut Inatsisaata allanngortinneqarnissaa isumaliutigilluagaallunilu sutigut tamatugut 1. Klassimiit 10. klassimi soraarummeernissap tungaanut ataqatigiissaaq.

Maanna allannguutissatut pingaarnertut tulliuuttut siunnersuutigineqarput, ukuusut:

- 1) Alloriarfimmi siullermi atuartitsissutit (fagit) ikinnerulernissaat.
- 2) Alloriarfimmi siullermi atuartitsissutit (fagit) aaqqissuussaanerisa iluarsaateqqinneqarnissaat.
- 3) Atuarfitsissutit marluk Inuunerinneq aamma Pilersitsinermik atuartitsissut pilersinneqassallutik. Taakku atuartitsissutit taaguutaannut Inuttut Inerikkiartorneq aamma Mernguernatut taarsiutit taaneqarput.
- 4) Inuutissarsiornermi klassi, 9.- 10. Klassimi pilersitsinissamut periarfissaalernissaa.
- 5) Alloriarfimmi siullermi ukiup atuarfiup sivissususaata allanngornera. Ukiumut ullut 200/240-miit ukiumut atuarfiusut ullut 180/200 ikilineri Tamannalu pisarnertut kommunalbestyrelsit namminneerlutik nalilersorlugulu aaliangiiffisassagaat allannguummi siunnersuutaavoq.

Inuit Ataqatigiinniit allannguutissatut siunnersuutigineqartut tunngaviisigut isumaqatigivagut.

Ingasammik ilitsoqqussaralugu kalaallisut oqaatsitta ineriartortinnissaannut nukittorsernissaannullu periarfissiinerunissaq eqqarsaatigalugu. Taamatuttaarlu matematikkimi angusat piginnaasallu pitsanngorsarnissaannut aqutissiuinissaq.

Upernaakkut ataatsimiinnermi maluginiagassaavoq meeqqat atuarfiat pillugu Inatsisartut inatsisaanut allannguutissat arlaqartut Inatsisartunit qaqqinneqartut.

Immikkoortut 64-93-143-imi ataatsikkut oqaluuserineqartussani Naalakkersuisut akissuteqarnerminni ima allapput: *"Naalakkersuisut meeqqat atuarfiata nalilersorneqarnissaanut pilersaaruserput. Tassani atuarfeqarnerup aaqqissugaanera atuartitsinerullu pitsaassusaa pingaartutut sammineqartussaapput. Tamatuma*

INUIT ATAQATIGIIT INATSIARTUNI



saniatigut ilinniartitaanerup iluani Public Expenditure 3 Review (PER-rapport)-ip naammassineqarnissaa utaaqqineqarpoq. Misissuinerit taakkua marluk tamarmik naliliinernik inassuteqaatinillu pingaaruteqartunik, siunnersuutitut ukununga saqqummiunneqartunut attuumassuteqartunik, imaqarnissaat naatsorsuutigineqarpoq. Taamaattumik Naalakkersuisut misissuinerit taakkunani paasisat suliniaqqinnerminni ilanngutissavaat siunissamilu atuarfeqarnerup malittarisassaajumaartussanullu ilanngunneqarumaassallutik. iluani inatsisiumaartussanut”

Taamatutaaq immikkoortuni taakkunani Naalakkersuisut allannguutissatut siunnersuuteqarput imaattumik: *”Naalakkersuisut suleqatigiissitamik meeqqat atuarfiannik sullissisunik pingaaruteqartunik amerlasuunik ilaasortalimmik pilersitsinissaannut Inatsisartut aalajangiinissaannut siunnersuut. Suleqatigiissitaq klassini atuaqatigiit amerlassusaannik pisariaqartitsiviusuni ikilitsivinnissamut periarfissanik qulaajaassaaq, atuartitsinerup pilersaarusiortarnerani eqaannerulersitsinissamik nalilersuissaaq kiisalu maannakkut alloriarfinni misilitsittarnerit, ilikkagaqarniarnermut perorsaanermilu atuinermut ikorfartuutaanerulernissaat anguniarlugu, iluarsivigineqarnissaannik imaluunniit atorunnaarsinneqarnissaannik misissueqqissaarlunilu siunnersuutit saqqummiussissaaq. Sulineq siunissami inatsisinik maleruagassanillu allanngortitereratarsinnaanermut tunngaviliissaaq, nassuiaammik saqqummiussissalluni.” suleqatigiissitarlu UKA2027-mi”*

Isumaqarpugullu una Inatsisissatut allannguutissaaq suleqatigiissitamut immikkoortut 64-93-143-lu Naalakkersuisut suleqatigiissitamik pilersinniagaanut ilanngunneqarsinnaalluortoq. Inatsisissatut allannguutissaaq atuartitsissutit sannaanut, atuartitsissutissanut aammalu ilinniartitsisut piginnaasaanik qaffaasaanissat eqqarsaatigalugit piareersimasoqarnerisooq misissuinerit ilanngutassatut tulluarpur.

Taamaattumik Inuit Ataqatigiinniit isumaqarpugut qulaajagassat assigiinngitsut eqqarsaatigalugit una allannguutissatut siunnersuut Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliamut ingerlateqqinneqassasoq.

INUIT ATAQATIGIIT INATSISARTUNI



Ataatsimiititaliamilu ilanngullugu eqqartorneqassasoq, Partiit akimorlutik, meeqqat atuarfiat qanoq ittoq Nunatta pisariaqartikkaa pillugu isumaqatgiissummik suliaqartoqarnissaanik aallartittoqassasoq.